

Istoire ein patué de Trétorein

N'istiore de vatze

Niace à Bruno, l'avé abrevau n'a novéla vatze à la fare deu Termo, à Montâ. L'aré n'a balla et groussa vatze. Sta vatze l'aré prête à véla po le dié d'octobre, ein avui le makenion. Ma « Florence » n'avé rein l'ai tan préssaye de vola véla. Portan, l'aré émein groussa. On are deu, ke volavé fairé dou à tré vè. L'a tan traportau ke sé tepara décidaye à vola véla. N'eimpatzé ke se fessavé todzo ateindré. Mon Niace l'a véllia la demeindze, to le dzo. Delon, demâ passon, onco min de vè. Veu-te véla ou pa ke l'a di sa féna Katrine. Ai... ke répon Niace, é véléré assurau. Mé, me muzo preu ke, é va nô fairé on vè monstro. Le leindeman demécro, onco min de vé. Le dedzeu nassepou, todzo rein. Niace Kemeintiévé à venin doupa alénau, deu momein ke dévavé ala passa n'a revu le leindeman matin.

A.a... se l'ussé po acroché tieu ke l'an bue-tau la revu le même dzo ke sa vatze dévavé véla, l'arian pèçu kakon. Le dedzeu, Niace di à sa Katrine, deman, kan s'ara via, se la vatze veu tepara se decida à véla, t'éré kerya dé vezin po l'a édié à sta beugra. Le deveindro matin, Niace parté à l'inspekchon. Preu suro, kan on passé n'inspekchon et k'on se va eingueula se le canon deu fuezi lé doupa mané, ou bin k'on treuvé on n'i de raté dein le sâ ou bin ke laya kake dzèrssé pe la capota, on va baré dé varo po se fotrè de sé z-eingueulayé. Sè deveindro matin, Katrine n'a pa kitau le beu, sena por ala bueta kake zâétélé dezo la guize. D'i mié dzo mon Niace s'amèné tepara de l'inspekchon avué n'a buena cuète, et n'a veretabla. Por ala vè l'otau n'a pié pa passau avesà sa féna, l'a pié bravo felau eu beu avesà se Florence l'a vélau. Kemein l'aré troi sou, eu beu, sé eintremélau, l'a tzu dra déra la vatze et sé eindermin eintie.

D'issa on momein sa féna di eu gamin, va vè oncor'on kou liè eu beu avesà se la vatze veu véla. Le gamin va i liè eu beu. Kan l'a yu cela, l'a zu poire, tierné à l'otau à granta fuite dré à sa mama. Mama... mama... venin vito avesà, Florence l'a vélau. L'a fai on vè kemein on a onco dzamai yu. Mé... kié di la mama. Sefai, lé on dralo de vé. Lé on vé veti ein seuda, avué on fuezi onco. Lé preu verè ke pe sè beu, on ne yayavé pa n'a gota.

I. R.

Patué de Trétorein

Fau parti à tein

On kou Isac é Ernest l'an volu alla fairé na tornaye, inau pé dessu-chon.

L'an vesitau lou lamon, yau lou caïon l'aran lodga dein na tanna, é veniavan tui baré dein le mémo bui eu kou de Korné deu berdgié.

Per cé, per lé, su dé bé de cé, bayavé de lé takié un tzan.

Ka l'an preu zu avesau é roulau, le tein se passave, e laré le momein de yeu verié bâ Kontré chon prendré le déra-trin po tiorna vé l'otau.

Isac pa tan prèssu, mai Ernest alondziévé son pa. Isac desavé, mé i l'oraire é na montra, fau pa tein fairé. Son preu arévau à l'aura à Thon, mé Isac la volu baré on varo, avué on Moncheu ke kognésavé, peindein cé tein, le déra trin la felau.

Isac, ka cein né adenau fasavé lou sâ é lou voué asse gran ka le trin. Ernest volavé dremmin à chon, mé Isac laré pa d'aka.

Se s'on intervo à la gara, se layavé onco on trin, yeu ran de ke passavé on trin de fruite k'allavé tan ka Cein-Moëri.

Se s'on einbarkau intié dessu é le trin s'arrétavé pé teté lé garé po tzergié de la fruite.

Laré trézeuré deu matin ka s'on arrevau bâ. Ci kou, Isac pren démerda, la itau dessondzié, on ke lavé n'oto po lou mena arriva.

Lé le ka de dré, fau parti à tein.

X.